

貴州通志

丑4062

20350
30
1132

第一冊

卷之一


星野

氣候

祥異

卷之二

輿圖



恭

進貴州通志表

總督憲撫貴州兼督理湖川東等處地方提督軍務兵部右侍郎兼都察院右副御史臣張廣泗謹

題為纂修貴州通志告成恭呈

御覽事臣等誠惶誠恐稽首頓首上言伏以

堯天廣運弗遺膏澤於要荒

舜日重華普被照臨於邊徼

統車書而隆制作萬國同揆

采志乘以備裁成八紘在握風聲所樹無非康濟之

仁典冊攸存不外化成之義竊惟宅中馭大聿陳

王會之圖視遠惟明用辨職方之掌人文克顯政

貴州通志

卷首表

一

教斯通粵考黔中昔居化外星分參井虛垂列宿

之光地接荆梁難畫方輿之界七旬格於大禹苗

地未詳三年克於高宗鬼方終棄自莊躋將兵而

道通沅水唐蒙奉使而郡置犍為旋封夜郎之王

復設牂柯之守馬忠為郡始於丞相之渡瀘東謝

來朝盛於貞觀之開洞八校尉之擊九部落之歸

僅可羈縻紅獐狍之名紫薑苗之種率多翻覆二

路十二部至宋而有貴州之稱八番十八衛至明

而有專藩之設顧經營粗立雖經始於前朝而氣

象維新實備隆於

昭代椎髻卉衣之屬咸效國風烏羅銀甸之鄉盡開



王路朱旗畫戟啟都府於鰲磯龍洞之間雲宇山
楹觀蔀屋於天馬貴人之上然而山不列於益記
水不注於桑經閒吟太白之詩空懷遷客細讀孟
堅之論未悉土風白水留題不涉封圻之要典碧
雲紀勝徒饒月露之叢談若非修葺羣言曷以宣
揚

世宗憲皇帝

道光四表

德潤羣生

貴州通志

卷首表

二

仁義兼施萬物熙而六幽盡闢

恩威並濟三才正而九土咸開

精神旁達乎邊隅無微不照

雨露均濡於雜俗有惠皆行黔州之被澤尤深蠻峒之

流風非昔

綸音特沛通志全修伏遇我

皇上

建極承乾

膺符出震

文謨武烈悉推時憲之聰明

玉振金聲並著大成之條理

通神機於淵默視萬里如在目前
制權變於張弛運天下不殊掌上

移風易俗既取效於頑苗克靖之餘

履信踐忠復加勉於險地悉平之後城郭修而清時
有備倉廩實而歉歲無虞逋負頻蠲戰士勵捐軀
之志租庸屢免耕農興鼓腹之歌申法令而戒嚴
刑人懷三尺飭廉隅而加厚祿官凜四知藁榜添
花旣廣秋闈之額黌宮煥彩復

頒內府之書膠庠盡植榎楠文風丕振溪洞皆栽棧櫟
陋習潛消山土爭開已食餘糧之利桑田試種停
生挾纊之春凡茲

貴州通志

卷首表

三

聖主之鴻圖盡屬

熙朝之典則臣等欽承載筆實愧無文損故益新祇
恐修辭之不立發凡起例惟期義類之相從事必
證諸古今務闕疑而存信言有關乎治忽寧就簡
而刪繁規模溯因創之源流制度考廢興之顛末
雖管窺蠡測未足形

聖治之光華而漱潤含芳竊欲效輿人之採訪伏願

文摘周鼎

道契羲繩

聖聖同符執一中以立極人人遵路合四海而從風藉
記誌以廣薰陶奚啻三苗丕叙盡經綸而宏化育

永看萬彙咸亨 臣等無任瞻

天仰

聖激切屏營之至謹奉

表隨

進以

聞

貴州通志

卷首表

四

乾隆六年九月

日

貴州通志凡例

一貴州舊志爲綱三十二以類附見者十二如關梁附見於山川郵傳附見於城池義類殊未妥協今列天文地理等八綱用統衆目以類相從似覺有條不紊

一舊志輿圖之說止載全省總圖各府俱缺今黔省幅幘割楚蜀粵西府州縣衛以附益之漸爲恢擴因推廣舊志之意每圖各係以說

一建置舊志載在大事考所序太畧粵稽上古黔雖不通中國自唐宋以來所置羈縻州縣頗有沿革可考今悉據歷代地理志補入

貴州通志

卷首

凡例

一

一疆域舊志止有東西南北四至而無四隅考建置郡邑犬牙相入者甚多詳列四隅所以正經界也今悉爲補入

一山川舊志方向先後無一定次第今倣一統志體例先城內次城外先東次東南次南次西南次西次西北次北次東北俱先近而後遠其山水之名亦分先後以類相從凡山先山次峯嶺岡坡次巖崖石壁次塹坪阪原次園箐谷洞逕其名不經見者俱次於後若一山中又有坡嶺巖洞者卽連而及之不另爲類凡水先江次河海次川湖灘溪次澗潭水泉次洲渚峽洪次灣泊池塘次堰陂瀾

閘渠溝井其名不經見者倣山例

一古蹟如廢城古戍之類必須注明在城何方去城遠近庶有蹟可考今從各府州縣志冊及明一統志續文獻通考諸書參考互訂得其方向者十之五六備列於前其無可考者彙載於末以俟博識者

一苗蠻種類雖夥其形狀服食寃亦相去不遠舊志每種各繪一圖似轉覺支離不如刪去蓋其性情風俗備於紀載不必按圖而考索也

一風俗原與教化移易黔自元以前本屬苗徼自明以後始漸被文明然前此椎結侏儻之俗固不

貴州通志

卷首

凡例

二

可沒也因考漢唐宋以來西南夷南詔各傳中有屬在黔地者書之於前庶有原委

一學校舊志附載樂儀夫黔之有志以志黔事也若

聖朝禮樂乃天下所同固可不載其各府州縣義學俱註明建於何地以補舊志之畧

一田賦舊額新墾歷年各異今照乾隆四年徵收賦役開載其省府總數及州縣細數一一詳書至苗疆屯田類附於後以備查考

一黔省財賦無多經費嘗仰給外省查舊志惟兵餉一項載在兵防驛站工食載在郵傳然官役俸

工師生餼廩鞭春祭祀之屬既皆著於令甲不宜
缺而不書今設經費一門以免遺漏

一周禮地官之屬遺人掌邦之委積以待施惠卽
今常平倉之遺法我

國家令天下直省府州縣皆設立義倉以備荒歉誠
重積貯以厚民生之至意今黔省各府州縣皆有
積貯而舊志獨不載殊爲缺然特爲補入

一物產舊志於貴陽首府列通產於前專產於後
而間見雜出未免眉目不清今以通產盡列於前
方列專產於後其通產專產次序首穀次蔬次貨
次果次藥次草次花木次羽毛鱗介各府俱照此

貴州通志

卷首

凡例

三

彙編以免參差

一職官舊志文白知縣以上武自副將以上方錄
今因之

一名宦與鄉賢俱祀於學宮載在祀典近奉

特旨慎重查核去留皆有冊籍今將前朝中已載舊志
者照舊載入其舊志所遺而郭青螺黔記及各省
通志所載鄉賢而宦於黔與各宦而黔籍者悉爲
補入至於

國朝名宦惟以冊爲據冊所不收及冊所汰去者雖
載舊志亦不敢收入

一黔省自明世設立衛所多以土人爲流官

如指
揮千

戶之類其有政績者或入名宦或入鄉賢須有一定之例舊志未加分晰如同一千戶也貴筑朱暹陳銑則入人物龍里井孚則入名宦同一威清指揮也張貴張晟則入人物楊遵則入名宦不特此也一毛勝也既入名宦又入人物張信亦然一井孚吳德也既入名宦又入忠烈錯雜重複如此類者難以悉數竊意名宦當以官爲主人物當以地爲主以土人爲土官如宣慰宣撫長官司土同知通判之類有功於其土者則列之人物以土人爲流官有功於其土及隣郡縣者則列之名宦其已見者卽不復重書似爲清晰

一黔省自明世始設流官故載在各宦者惟明最多舊志雖以年代爲次然文武錯列崇卑無序今倣職官例文武分編以官職憲綱爲序其中仍各照年代編次

一黔省未立郡縣以前皆土司也既設郡縣後屢勤征討者亦上司也舊志止載現在承襲者一人未免太畧今照承襲之冊詳書其世系卽已革除者亦取其始末書之以備查考而水西安氏播州楊氏其爲害尤鉅詳其本末附於後

一大事考一門諸志所無昉於郭青螺黔記其中所載卽兵防田賦職官中諸事若詳載則嫌於重

複簡截又苦於漏遺今將所載事蹟分入各門中
惟土司苗蠻爲黔患之最鉅自殷宗伐鬼方三年
乃克嗣後尋於干戈以行征討無代無之今設師
旅考一門附於武備志之內其中或剪除於未萌
或招徠懷服不煩撻伐者悉記之蓋上兵伐謀與
不戰而屈人之兵皆師旅中善之善者也

一舊志無鄉賢名目蓋卽以人物爲鄉賢也不知
孝義勇烈隱逸之士孰非人物乎卽外來流寓方
外仙釋之屬皆人物之選也今立人物爲綱以統
鄉賢孝義諸目

一舊志設勇烈一門凡流官及土人死事者俱載

其內禮曰聖人之制祭祀也以死勤事則祀之能
死其官卽不愧名宦之目不必別以烈名且烈者
必勇而忠實烈之本也今易勇烈曰忠烈凡土人
之有爵位而能死事者悉載焉其士庶人之致命
遂志者則列之孝義國於天地必有與立忠臣義
士所以爲天地扶植綱常者故居宦蹟文學之前
一冊中汰去之鄉賢亦有歷官頗著聲稱因無功
德於鄉里而去之者然宦轍所至政績可紀馳聲
藝苑挾藻天庭雖無德於鄉未始不足增鄉邑之
色若竟擯置不錄是反不如小道之方技異端之
仙釋得以有傳也今設宦蹟文學二門爲人物之

目庶於

國典鄉評兩不相悖

一列女凡舊志所載者仍之新收者以

題旌年分先後爲次其未經

題旌而年分合例苦節可風據府州縣志冊及申詳

藩司巡撫衙門現在陸續具

題者悉爲編載庶潛德幽光不致終於泯沒

一流寓須其人名重當時事蹟可傳於後者方爲
收錄庶幾地以人傳舊志中有止載某人以某官
謫來並不書其事蹟者黔雖僻遠亦奚藉此無足
重輕之遷客以溷紀載乎今遍加查考有事蹟可

貴州通志

卷首

凡例

六

傳者書之其無可傳者削去其謫官而能舉其官
之職者收入各宦若王守仁之倡明理學雖係謫
官仍載流寓蓋其功業固不關龍場驛丞也

貴州通志修輯官員

總裁

少保兵部尚書總督雲貴廣西三省今陞大學士臣鄂爾泰

兵部尚書總督雲貴廣西三省兼都察院右副都御史今陞川陝總督臣尹繼善

巡撫貴州兼都察院右副都御史今甘肅寧夏慶蘭巡撫臣元展成

署貴州總督巡撫雲南兼都察院右副都御史臣張允隨

總督貴州兼管巡撫事務吏部侍郎兼都察院右副都御史臣張廣泗

監修

提督貴州全省學政陞江蘇布政使司布政使臣晏斯盛

提督貴州全省學政雲南道監察御史臣鄒一桂

督修

貴州通志

官銜

一

貴州等處承宣布政使司布政使今陞總漕臣常安

貴州等處承宣布政使司布政使陞湖南巡撫臣馮光裕

署貴州等處承宣布政使司布政使臣陳惠榮

貴州等處提刑按察使司按察使今陞廣西巡撫臣方顯

署貴州等處提刑按察使司按察使臣宋厚

督理貴州清軍糧驛傳道事務按察司副使臣錢元昌

分巡貴西道按察使司副使臣介錫周

分巡貴東道按察使司副使臣王玠

署分巡兵備道按察使司副使臣徐永祐

采輯

貴陽府知府臣甘士琇

思州府知府臣史步高

思南府知府臣孔傳堂

鎮遠府知府臣趙之壇

石阡府知府臣杜理

銅仁府知府臣姚謙

黎平府知府臣孫紹武

安順府知府臣崔傑

南籠府知府臣楊滙

都勻府知府臣曾朝聘

平越府知府臣孟周衍

大定府知府臣牛天申

貴州通志

官銜

二

遵義府知府臣陳玉璧

纂修

翰林院庶吉士原署姚州知州臣靖道謨

原任仁懷縣知縣臣杜詮

分修

原任遵義縣知縣臣梁學新

原任錦屏縣知縣臣廖貞

畢節縣知縣臣謝國史

施秉縣知縣臣董良材

原任甕安縣知縣臣張荃

原署水城通判臣王灃

原任畢節縣知縣臣葛荃

原任餘慶縣知縣臣蘇大忠

原任錦屏縣知縣臣呂賡雅

原任龍泉縣知縣臣樊仲琇

原任南寧縣知縣臣王樵

歲貢生候選訓導臣李專

監刻

貴筑縣知縣臣彭居仁

校對

拔貢生候選教諭臣姜文澤

貴州通志目錄

天文

卷之一

星野 氣候 祥異

地理

卷之二

輿圖

卷之三

建置

卷之四

疆域 形勝

貴州通志

卷首

目錄

卷之五

山川

卷之六

關梁 郵傳

卷之七

風俗 苗蠻 古蹟 邱墓

營建

卷之八

城池 公署

卷之九

學校 貢院 書院 義學

卷之十

壇廟 寺觀

食貨

卷之十一

戶口

卷之十二

田賦

卷之十三

田賦

卷之十四

課程

貴州通志

卷首

目錄

二

卷之十五

經費 蠲恤 積貯 物產

秩官

卷之十六

官制

卷之十七

職官

卷之十八

職官

卷之十九

名宦

總部

卷之二十

名宦部分

卷之二十一

土司

武備

卷之二十二

兵制

卷之二十三

師旅考

卷之二十四

師旅考

貴州通志

卷首

目錄

三

卷之二十五

苗疆師旅始末

人物

卷之二十六

選舉

卷之二十七

選舉

卷之二十八

鄉賢

卷之二十九

忠烈 孝義